



গণপ্রজাতন্ত্রী বাংলাদেশ সরকার

তথ্য অধিদফতর

PRESS INFORMATION DEPARTMENT, GOVERNMENT OF THE PEOPLE'S REPUBLIC OF BANGLADESH



তথ্যবিবরণী

নম্বর-১৯০

রাজশাহীতে আন্তর্জাতিক মাতৃভাষা দিবসের কর্মসূচি

রাজশাহী; ০৬ ফাল্গুন (১৯ ফেব্রুয়ারি):

আগামী বুধবার ২১ ফেব্রুয়ারি। মহান শহিদ দিবস ও আন্তর্জাতিক মাতৃভাষা দিবস। বাঙালি জাতির ইতিহাসে এক ঐতিহাসিক দিন। দিবসটি যথাযোগ্য মর্যাদায় উদ্ঘাপন উপলক্ষ্যে রাজশাহী জেলা প্রশাসন কর্মসূচি গ্রহণ করেছে।

শহিদ দিবস ও আন্তর্জাতিক মাতৃভাষা দিবস উপলক্ষ্যে বুধবার (২০ ফেব্রুয়ারি) সকাল দশটায় জেলা শিল্পকলা একাডেমি ও বাংলাদেশ শিশু একাডেমির রাজশাহী কার্যালয়ে চিরাঙ্গন, রচনা ও আবৃত্তি প্রতিযোগিতা, ছড়া পাঠ, কবিতা পাঠ ও সাংস্কৃতিক পরিবেশনা অনুষ্ঠিত হবে। বুধবার দিবসের শুরুতে (২০ ফেব্রুয়ারি দিবাগত রাত) বারোটা এক মিনিটে জেলা প্রশাসকের কার্যালয় চতুরের শহিদ মিনারে ভাষা শহিদদের স্মরণে পুষ্পস্তুক অর্পণ করা হবে।

সুর্যোদয়ের সঙ্গে সঙ্গে সকল সরকারি, আধা-সরকারি, স্বায়ত্তশাসিত, বেসরকারি প্রতিষ্ঠানের ভবন ও শিক্ষা প্রতিষ্ঠানসমূহে সংশ্লিষ্ট কর্তৃপক্ষ অর্ধনমিতভাবে জাতীয় পতাকা উত্তোলন করবেন।

সকাল এগারোটায় জেলা শিল্পকলা একাডেমিতে ‘জাতীয় জীবনে একুশের চেতনা’ শীর্ষক আলোচনা সভা, সাংস্কৃতিক অনুষ্ঠান ও পুরস্কার বিতরণী অনুষ্ঠিত হবে।

এদিন বাদ যোহর ভাষা শহিদদের আত্মার মাগফেরাত কামনা করে সকল মসজিদে বিশেষ মোনাজাত এবং সুবিধামত সময়ে সকল মন্দির ও অন্যান্য ধর্মীয় উপাসনালয়ে বিশেষ প্রার্থনা অনুষ্ঠিত হবে।

সন্ধ্যায় গণযোগাযোগ অধিদপ্তরের ব্যবস্থাপনায় মহানগরের গুরুত্বপূর্ণ স্থানে ভ্রাম্যমাণ সংগীতানুষ্ঠান ও চলচিত্র প্রদর্শিত হবে।

এদিন রাজশাহী মহানগরীর সড়কবীপ ও অন্যান্য গুরুত্বপূর্ণ স্থানসমূহ বাংলা বর্ণমালা সম্বলিত ফেস্টুন দ্বারা সজ্জিত করা হবে।

.....
তৌহিদ/সিকান্দার/হালিম/২০২৪/১৩.০০৪.